



18. juli 2016

Inatsisartuni suleriaasianni § 37 naapertorlugu Naalakkersuisunut imaattumik apeqquaqarpugut.

Naalakkersuisunut apeqqutit:

- 1. Inatsisartut aningaasaqarnermut ataatsimiitsitaliaata 2014-mut aningaasanut inatsisissaq pillugu apeqqutaannut Naalakkersuisut ilisimatitsipput, Akileraartarnermut Aqutsisoqarfik Aalborg-imi piffissap ilaanni sulisartumik sulisoqartitsillutik (ukiumut 500 tiimit), taassumallu SKAT suleqatigalugu nassiussanik ataasiakkaanik aammalu containerinik scannerisinnaanera ingerlanneqartarluni. Akileraartarnermut Aqutsisoqarfik suli Aalborg-imi piffissap ilaanni ukiumut 500 tiimini sulisartumik sulisoqartitsinerluni?**
- 2. Qanoq akulikitsigisumik Aalborg-ip umiarsualivianiit Kalaallit Nunaannut nassiussassanik ingerlaartumik nassiussassat misissugarineqartarneri ingerlanneqartarpat, aamma nassiussassat qanoq annertutigisortai misissugarineqartarpat?**
- 3. Naalakkersuisut isumaqarpat arlaatigut aqqissuussisoqarsinnaanersoq, Aalborg-ip umiarsualivianiit Kalaallit Nunaannut nassiussassat tamaasa nassiunneqarnissaat sioqqullugit misissugarineqartalersinnaanersut?**
- 4. Taamatut aqqissuussioqarsinnaaneq qanormita annertutigisortaa Namminersorlutik Oqartussanit aningaasalersuiffigineqassagatinneqarpa (qanorlu annertutigisortaa danskit akitsuusersuinnermut oqartussa qarfiannit)?**
- 5. Taamatut aqqissuussineq eqqunneqassappat Namminersorlutik Oqartussat nammineq container-inut scannerummik imaluunniit atortorissaarutinik allanik pitaartariaqassanerlutik Aalborg-ip umiarsualivianni atorneqartussanik, taamaattoqassappallu aningaasartuutit qanoq annertutiginissaat naatsorsuutigineqarsinnaappat?**
- 6. Taamatut aqqissuussineq eqqunneqassappat, taava sulisoqarnikkut (Aalborg-imi) qanoq amerlatigisut pisariaqartinneqassappat, Naalakkersuisullu qanoq naatsorsuutigivaat tassunga aningaasartuutit annertutiginissaat?**
- 7. Aalborg-ip umiarsualiviani Kalaallit Nunaannut nassiussassat tamarmik misissorneqartarnissaat aqqissuussiffigineqassangaluarpat, taava Kalaallit Nunaanni akitsuuserisunik pisariaqartitsineq annikillisinneqassanerluni, aamma qanoq sipaarutaasinnaasut annertussuseqarnissaat naatsorsuutigineqarsinnaappat?**
- 8. Taamatut aqqissuussineq inatsisinik atuuttunik allanngortitsisariaqarnissamik kinguneqassanerluni, taamaattoqassappallu allannguisariaqarnissat danskit imaluunniit kalaallit inatsisaanni pissanerpat?**
- 9. Taamatut aqqissuussinerup kingunerissanerpaa Aalborg-imi allaffeqartariaqalernissaq attartornissarluunniit - qanorlu taakkununga aningaasartuutissat annertutigissagatinneqarpat?**

10. Naalackersuisut Inatsisartut aningaasaqarnermut ataatsimiitsitaliaannut 2014-mi akissuteqarnerminni ilisimatitsissutigivaat, Akileraartarnermut Aqutsisoqarfiup SKAT Nordjylland-imik isumaqatigiissuteqalersimanera, taassumallu iluaniilluni attaveqatigiinneq, paasissutissiineq, ataavartumik umiarsuakkut nassiussanik allakkanillu misissuinerit aammalu nuna tamakkerlugu misissuinerit. Kingornatigullu suleqatigiinnermut isumaqatigiissut nutaaq 2015-imi atorneqalersimavoq. Isumaqatigiissutsip nutaap suummita imarivai, pingaartumik danskit oqartussaqaarfiisa nunatsinnut sutigut tapersersuutaasinnaaneri eqqarsaatigalugit?

(Inatsisartunut ilaasortat Steen Lynge aamma Siverth K. Heilmann Atassut)

Tunngavilersuut:

Inatsisartut 2015-imi ukiakkut ataatsimiinneranni Naalackersuisut Inatsisartunit peqquneqarput nassuiaammik saqqummiusseqqullugit, tassanilu nassuiarneqassasoq, qanoq Kalaallit Nunaannut aanngajaarniutinik eqqussuisarnerup akiorniarneqarnerata nukittorsarneqarsinnaanera, aammalu tassunga atatillugu danskit naalackersuisuinut isumaqatiginninniarsinnaanerit. Kissaatigineqarsimavoq nassuiaammi ilanngunneqassasut, tikinnermi pisattanik nassiussalerinermi aammalu Kalaallit Nunaannut nassiussalerinermi iliuusissat aalajangersimasut misissuisarnerit sunniuteqarlualernissaannut suuneri, aammalu aningaasaqarnikkut inuiaqatigiinnullu kingunerisinnaasaannut tunngassuteqartut (UKA 2015/110)

Naalackersuisut aalajangersimapput - Inatsisit atortinnerinut ataatsimiitsitaliamit kajumissaarneqarnermikkut - nassuiaatip 2016-imi Inatsisartut upernaakkut ataatsimiinneranni nuna tamakkerlugu hash-ip akiorniarneqarneranut iliuusissatut pilersaarummut nassuiaatip ilanngunneqaannarnissaa. Nassuiaat taamaalilluni nuna tamakkerlugu iliuusissatut pilersaarutip immikkoortuisa naggataatugaanniinnaq sammineqarnera (quppernerit marluinnapajaat atorlugit).

Nassuiaammi paasissutissiinerup pitsaassusaa, quppernemi annikitsuinnarni sammineqarneranit takussutissiivoq, taamaasilluni naalackersuinikkut aalajangersaaffissatut naleqassusia Inatsisartuni killilerujussuulluni.

Naalackersuisut nassuiaateqarnissaannik peqquneqarnissaannut aalajangiiffigisassatut siunnersutip (UKA 2015/110) tunngavilersorneqarnerani ilaatigut siunnersuuteqartup makku siunnersuutip tunuliaqutaannut aamma siunertaanut ilisimatitsissutigivai:

Naalackersuisut § 37 naapertorlugu kingusinnerusukkut apeqquteqaammut akissummi paasissutissiipput:

”Suliniutit pitsanngorsarniarlugit periarfissaq tassaasinnaavoq misissuisarnerup

tiguisartumiit nassiussisumut nuunneqarnera. Tamanna Kalaallit Nunaata aamma Danmarkip akornanni naalackersuinikkut ingerlatsisuni isumaqatigiissuteqarnissamik pisariaqartitsivoq, qularnanngitsumillu taakkunani marlunni nutaanik inatsisiliortoqartariaqassagunarluni. Kalaallit Nunaata soorunami misissuinermut aningaasartuuteqartussaassaaq.

Annisuinerup nalaani nakkutilliinerup isumalluutininik atuineq pitsaanerulersissinnaa-vaa, tassa nioqqutissat inuillu amerlanerpaartaat Aalborgimiit (umiarsuarmik) imaluunniit Københavnimiit (timmisartumik) aallaaveqarmata.”

Naalackersuisut akissutaanni atuarneqarsinnaasutut suliniutinik annertusaanerup, taakkununga ilaalluni qallunaat oqartussa qarfiinik suleqateqarneq, Landskarsip aningaasartuuteqarnerulerneranik kinguneqarnissaa naatsorsuutigineqarpoq. Taamatuttaaq nakkutilliineq tamarmi nassiussivimmuut nuunneqassappat tamatuma maani suliffinnik naleqarnissaa ilimagisariaqarpoq.

Aningaasaqarnikkut suliffissaqarniarnikkullu sunniutigisinnaasai pitsaanerumillu nakkutilliinerup iluaqutaasinnaanera imminnut naleqqersorsinnaajumallugit isumaqar- puna pissusissamisoortoq Naalackersuisut piumaffigissagaanni suliniummut pitsanngorsaataasunik ersarissunik tunngavilersorluakkanillu saqqummiusseqqullugit, tamakku aningaasaqarnermut kingunerisinnaasai ilanngullugit.

Taamaattumik naatsorsuutigineqarsimasinnaavoq minnerpaamik nassuiaammi ajornartorsiutit tikkuartorneqartut sammineqarsimanissaat: Nassiussiffimmi misissuisarnermut iliuitsit nuunneqarsinnaaneri imaluunniit eqikkarneqarsinnaaneri (imartatigut nassuissuisarneq eqqarsaatigissagaanni Aalborg-ip umiarsualiviani Grønlandshavn-imi), tassungalu kingunissat attuumassuteqartut.

Taamaattoqanngilarli.

Taamaattumik pisariaqarsorivarput taamatut apeqqutinik saqqummiussisariaqarneq, neriutugalutigu akissutit Inatsisartut apeqqutaannut akissutissaalersinnaajumaartut siusinnerusukku Inatsisartunit ujartorneqarsimasutut.